

中興禮書

中興禮書第二百卷

嘉禮二十八

大朝會二

紹興十四年十二月十日禮部太常寺言正旦御殿受賀所有宰執同禮部太常寺就法惠寺按樂今定十二月二十三日乞依在京禮例作休務假一日詔依十九日門下後省言勘會今來大朝會合差奏請守視八寶內外符寶郎各二員其外符寶郎欲乞下入內內侍省差內侍省差內侍官權攝詔依

同日御史臺言正旦大朝會其合用文臣百官應通直郎以上及行在見任寺監督簿承務郎以上職事官趨赴數內本臺檢法直秘書省官國子監學博士正錄未

有該載欲乞權令應京官見任前件職任之人隨班赴
詔依

二十日禮部太常寺言勘會將來大朝會依議合設諸
蕃貢物至日禮部尚書於殿下奏諸蕃貢物請付所司
緣今來係首初舉行朝會之禮若不陳設竊慮于禮未
盡禮部太常寺今相度欲乞令戶部行下所屬將市舶
之物量數陳設所貴依議不闕詔依

二十三日御史臺閣門言勘會大朝會舊例上壽訖合
赴坐官殿上文臣權侍郎以上武臣正任刺史以上及
廊都指揮使東朵殿文臣祕書監至朝奉大夫并都虞
候西朵殿檢行并宗室達郡及都虞候修廊文臣通直
郎以上西廊諸軍指揮使契勘今來係射殿權設大慶

殿欲乞權用文臣權侍郎以上武臣正任刺史以上東
朮殿職事官六曹郎中以上并臺諫官西朮殿橫行并
宗室遙郡以上所有其餘文臣通直郎以上及承務郎
見任寺監主簿以上職事官并廂都指揮使指至諸軍
指揮使並乞權免赴坐至日已係立班稍久其免赴坐
臣僚等欲乞候上壽訖於殿門外逐幕次賜酒食訖退
詔依

二十七日禮部太常寺言正旦大朝會依禮例班首合
稱上公外所有合差官下項伏乞朝廷降勅差官一
朝賀并上壽侍中三員一員奏中嚴外辦并奏解嚴一
員御前奏中嚴辦并奏解嚴一員承旨宣制并奏禮並
乞差侍從官押樂太常卿一員殿下協律郎一員太常

博士一員輦引上公並乞差太常寺官知閣門官四員
一員進中嚴上內賀兼并引上公朝賀一員進外辦朝賀兼
并引中書令奏諸方鎮表朝賀一員進解嚴朝賀兼一員
引上公上一朝賀中書令一員奏諸方鎮表并讀表乞
差執政官參知政事二員一員奏祥瑞表一員押諸方
鎮表紫戶部尚書一員奏諸州貢物請付所司禮部尚
書一員奏諸蕃貢物請付所司刑部尚書一員奏天下
斷絕請付史館差乞差侍從官一上壽侍中一員奏請
延公主等升殿殿中監一員以爵并授上公并進第一
第二第三爵坫酒殿中少監一員注酒光祿卿一員奏
請允群臣上壽並乞差兩省卿監等詔依

大朝會議

陳設

前期儀鸞司張設垂拱大慶殿門之內設御榻於大慶殿當中南向設東西房於御榻之左右稍北設東西閣於殿後之左右殿上前柱施簾設香案於殿下太常展宮架之樂於殿庭橫街之南設協郎舉麾位於宮架西北東向太常卿押樂位於宮架之前北向儀鸞司設文武百官客使等次於大慶殿門外其日御輦院陳輦輦并織扇於殿下東西相向兵部陳五輶於皇城南門之外俱駢驥院列御馬於殿門外東西相向兵部帥其屬設黃麾仗於殿門之內外並隨地之宜中書後省設諸方鎮表案於殿西門之外門下後省設祥瑞案於殿東門之外舉案賜字各二人引案今文各一人戶部以諸州禮部以諸蕃

貢物陳於宮架之南諸州在東諸蕃所以貢物量入設諸門外太常設典儀位於殿下近南稍東贊者三人在其後諸西向

朝賀

其日質明開大慶殿門文武百官客使等入就次服朝服樂工帥樂工先入就位協律郎入就舉麾位太常卿入就押樂位典儀帥贊者先入就位凡執事與陪位者以次入參知政事以諸方鎮表給事中以所奏祥瑞表置於案次垂拱殿樞密并知閣門官已下樞密都承旨至逐房副承旨及在內監臨祇應橫行武功大夫至保義郎及合依垂拱殿立班橫行武功大夫至修武郎侍省都知押班已下并帶御器械官並履笏一班帶御器械官如

內侍省都知已下卽於樞密班東別為一班當祇應知

內侍省都知已下卽於樞密班東別為一班當祇應知

止奏萬福

宣答知閣門官

當祇應

知閣門官

當祇應

知閣門官

當祇應

知閣門官

閭門已下提點使臣一班於樞密班前立閭門附內侍進班齊牌皇帝出殿下鳴鞭先行門禁衛諸班親從等迎駕自輦四拜起居皇帝坐當祇應知閭門官已下提點使臣一班常起居訖如引人使已起者止奏萬福宣答知閭門官歸祇應位餘退官宣贊舍人依揖樞密以下躬赴當殿北向躬通樞密某官姓名已下起居稱賀復位舍人贊拜樞密已下再拜揖笏舞踏又再拜樞密奏聖躬萬福訖又再拜樞密出班俛伏跪致訖詞俛伏興歸位樞密已下再拜揖笏舞踏又再拜知閭門官當殿躬承旨復位西向立定宣有制樞密已下再拜宣答制樞密已下再拜揖笏舞踏又再拜訖樞密并知閭門官樞密都承

旨至諸房副承旨並於殿東階下分東西立以俟導駕
餘官先退次舍人贊管軍臣僚掌文宣名四拜起居訖
贊祗候引駕俟皇帝起導至常御殿南閣子下樞密已
下並退易朝服赴大慶殿下分東西侍立俟輦降東階至
大慶殿後皇帝降輦入西閣門導官易朝服御榻前分
左右侍立知樞密院事簽書樞密院事知閣門事至簽
書閣門官在東同知樞密院事都承旨至諸房副承旨
在西帶御器械官並殿上侍立當侍立閣門舍人以下
兩朵殿立不當祇應舍人並於殿東階下立諸軍將校
入就位四方館先引諸方及海外蕃客閣門客省引交
州高麗夏國使副御史臺知班引太常卿以下就位中次武功大夫以
下次御史臺引太常卿以下百官次侍御史下以次正

任防禦使團練使以下俱入殿庭就位東西相向立仗
衛官北向次引起居郎舍人入詣香案對立居郎西
上每歸

本省次引六曹侍郎及開封尹至大司成次兩省官次
節度使至觀察使次御史大夫中丞次學士侍制次太

尉次一品二品文官次禮直官引三公宰相親王使相

執政官於殿門外序班三公三少侍中中書令在殿門

南階下稍東參知政事又在東其左散騎常侍在其東

次給事中左諫議大夫次左司諫左政言又在其東觀

文殿大學士資政殿大學士翰林學士承旨翰林學士

資政端明殿學士在參知政事之南稍東視文殿大學
士以下稍前與觀文

備林學士承旨
以下又稱却特進在端明殿學士之南稍前與觀文
大學

六曹尚書金紫銀青光祿大夫光祿大夫在其東

士班

次六郎侍曹又在其東開封尹至大司成在六曹郎侍
之南御史大夫在吏部尚書之北中丞在其東太子三
師在光祿大夫之南稍前與齊班三少在其東次賓客
簷事又在其東左金吾衛左衛左諸衛大將軍在太子
三少之南每等重行異位並西向北上親王使相在殿
門南階下稍西參知政事又在其北稍西右散騎常侍
在其西次中書舍人右諫議大夫次右司諫右正言又
在其西龍圖閣以下與右散騎直學士學士在其西次
侍制又在其西太尉在南節度使在其西次承宣觀使
又在其西右金吾衛右衛右諸衛上將軍在節度使之
南每等重行異位并東向北向禮直官舍人引侍中版
奏中嚴復位內外符寶郎奉寶先出陳於御榻之左右

少頃又引侍中版奏外辦皇帝服通天冠絳紗袍簾捲
殿上鳴鞭禁衛諸班親從御輦下應奉人自贊四拜起
居皇帝御輿出閣協律郎跪俛伏舉麾興宮工鼓柷宮
架奏乾安之樂凡樂協律郎現樂廳工鼓柷而後止皇帝出自

而後作偃麾臺坐而後止

西房內侍承旨索扇扇合舍人北向贊東西舞前執儀將
士就位四拜起居兵士長戰及有坊并跪皇帝降輿并御
榻閣門官於榻前班北稍東西向贊殿上侍臣樞密以
下並再拜贊拜閣門官贊拜訖北向隨班再拜西向贊
各祗候皇帝南向坐簾捲內侍又贊扇開殿下鳴鞭憂
鼓樂止爐烟升禮直官舍人引殿門外序班官分東西
入宮架奏正安之樂俱就位東西相向立樂止贊者引參
知政事押表案入詣西階下東西向立給事中押祥瑞

案諸東階下西向對立定歸本班俟大起居畢復表之
官學士侍郎上將軍以三公使相向立
省西
殿下北向西上左右僕射在其南參知政事在中書令
之北稍東左散騎常侍在其東次給事中左諫議大夫
次左司諫符寶郎左正言又在其東每等重行異位觀
文殿大學士資政殿大學士翰林學士承旨翰林學士
端明殿學士在左散騎常侍之南觀文殿學士資政殿
大學士
前
並西向北上親王在殿下北向東上參知政事
大
學士
前
在親王之北稍西右散騎常寺在其西次中書舍人右
右諫議大夫次右司諫右正言又在其西龍圖閣學士
以下在右散騎常寺之南樞密直學士以下在其西待

制又在其西每等重行異位並東向北上左金吾衛左衛左諸衛上將軍在橫階南黃道之東大將軍在其東率府副率又在其東俱西向北上右金衛吾右衛右諸衛上將軍在橫階南黃道之西將軍在其西率府副率又在其西東向北上特進在儀石之南稍東六曹尚書至光祿大夫在其南次六曹侍郎開封尹至大司成中散大夫次七寺少卿至奉直大夫次左右司員外郎至朝奉大夫次六曹員外郎至朝奉郎次太常丞至承議郎次開封知縣至奉議郎次太史局正至通直郎次致仕官次陪位未陞朝官宣教郎以下又在其南御史大夫在光祿大夫之東中丞在其南次侍御史殿中侍

開封尹以下在六曹侍郎之末少絕

御史監察御史又在其南太子三師在御史大夫之東

興齊

三少在其南次賓客簷事次左右庶子以下又

在其南每等重行異位夏國使副在陪位官之東軍員
在宮架東黃道之東諸方及海外蕃客在其南

如止一
即在

西並北向西上大尉在儀石之南

興齊

節度使在其

南次承宣觀察使次防禦使次國練使次刺使次武功
大夫以下次致仕官又在其南通侍大武至右武大夫
在防禦使之西中亮郎至右武郎在其南和安大夫以
下至翰林良醫在武翼大夫之西少絕和安郎以下至
翰林醫正在其南每等重行異位高麗使副在陪位官

之西交州使副在高麗使副之西軍員在宮架西黃道
之西諸方及海外蕃客在其南進奏官在貢物之間諸

州貢首其南並北向東上伎術官在宮架之前在醫官

醫學在東西上侍詔藝學在西東上並北向

益在文武百官後如

大司馬大士修武郎百少卿
行官左東班百官之後即

典儀曰拜贊者承傳在位官皆再拜訖次引中書令參知政事分至兩階下各於

案取所奏表以次分東西階升

中吉令在東
集官高一表

至殿上分

東西立

參知政事在東
中吉令在西

禮直官舍人引承旨侍中升東

階諸殿上之東西向立

禮直官舍人太常博士引上公

升西階正安之樂作

上公升降至
正安之樂作升降至

至殿上樂止

吉令指太常舍人引之

禮直官博士閭門官引上公

詣御榻前北向俛伏跪

百僚皆躬奏稱文武百僚上公具官

臣某等言元正啓祚萬物咸新伏惟皇帝陛下膺乾納

祐與天同休俛伏興身

百僚直立降階俟上公還位典儀曰

再拜贊者承傳在位官皆再拜指笏舞蹈又再拜訖躬侍中進當御榻前躬承旨退臨折櫈稍東西向稱有制上公並應在位官皆再拜訖躬宣曰履新之慶與公等同之宣訖復位在位官皆再拜指笏舞蹈又再拜引三公以下分東西序立次禮直官閣門官引中書令進當御前榻北向俛伏跪奏稱中書令具官臣某奏諸方鎮表奏訖指笏讀表執笏置表於笏上俛伏興少退東向立次禮直官舍人引參知政事詣御榻前奏祥瑞表如諸方鎮表之儀畢各降階置所奏表於案上與參知政事俱還本班表案祥瑞案退禮直官舍人引戶部尚書詣橫階南承制位俛伏跪奏稱戶部尚書臣某言諸州貢物請付所司俛伏興躬侍中前承旨退西向曰制可

侍中復位舍人曰拜戶部尚書再拜贊祇候還本班次
引禮部尚書俛伏跪奏稱禮部尚書臣某言諸蕃貢物
諸付所司俛伏興躬侍中前承旨退西向曰制可侍中
復位舍人曰拜禮部尚書再拜贊祇候還本班次引刑
部尚書俛伏跪奏稱刑部尚書臣某言天下斷絕請付
史館俛伏興躬侍中前承旨退西向曰制可侍中復位
舍人曰拜刑部尚書再拜贊祇候還本班史郎不奏太
史令同
次引太史令俛伏跪奏稱太史令臣某言某月日雲物
祥瑞請付史館俛伏興躬侍中前承旨退西向曰制可
侍中復位舍人曰拜太史令再拜贊祇候還本班侍中
進當御榻前俛伏跪奏稱侍中臣某言禮畢俛伏興降
階復位內侍承旨索扇扇合簾降鳴鞭協律郎跪俯伏

舉麾興工鼓柷宮架奏乾安之樂皇帝降座閣門官贊

贊斟

斟酌門

御與入自東房還

東閣侍衛如來儀內侍又贊扇開臺鼓樂止禮直官舍人引侍中奏解嚴文武百官退內外符寶郎奉寶以次出仗設如舊就位少林樞密都承旨以下退樞密都副承旨如係文臣或正任上壽綏本班赴坐陪位致仕及未陞朝建奏官貢首並先退餘官就次賜酒食以俟上壽

上壽

有司排設備太常設登歌於殿上立舞表於節綏之間尚醯設壽尊於御座之東稍北設坫於尊南加爵一尊
爵皆以御前玉器充有司設御茶牀於御座之西稍北有司設

郡官酒尊於殿下之東西又設群官座並如聖節上壽儀閨門客省四方館承壽御史臺知班太常寺禮直官舍人引三公宰相親王使相宗室文武百僚諸方及海外蕃客并入從等各就位三公魏王以下分東西相向
侯西南高麗上中郎人從在客之西交州職貢又在西孟北東上夏國人從在宮禁東面蕃客之東並北向而西

禮直官舍人先引侍中版奏中嚴少頃又版奏外辦皇帝服通天冠絳紗袍簾捲內侍承旨索扇扇合殿上鳴鞭皇帝御輿出東閣協律郎跪俛伏舉麾輿工鼓柷宮架奏乾安之樂皇帝出自東房降輿即御座南向簾捲內侍贊扇開殿下鳴鞭戛鼓樂止爐煙升禮直官舍人引班首以下橫行北向典儀曰拜贊者承傳在位官皆再拜隨拜三稱萬歲引班首以下分班東西序立

禮直官引殿中監少監升殿東階詣酒尊所次禮直官
舍人引侍中升東階詣殿上之東西向立次禮直官舍人
引光祿卿諸橫街南承制位北向俛伏跪奏稱光祿卿
臣某言請允群臣上壽俛伏興躬禮直官引侍中進當
御榻前躬承旨退臨折檻稍東西向曰制可侍中退後
位舍人贊拜光祿卿再拜訖贊祗候復本班內侍進御
茶林次殿侍於橫街南酌酒訖禮直官舍人引班首以
下橫北向典儀曰拜贊者承傳在位官皆再拜隨三稱
萬歲禮直官舍人太常博士引上公自東階升酒詣尊
所北向殿中監以爵授王公上公措笏受爵諸御榻前
少東西向立殿中監開爵殿中少監注酒於爵訖禮直

官太常博士閭門官引上公升榻諸御座前躬進皇帝執爵上公執盤虛跪興降榻以盤授殿中監上公執笏詣御榻前俛伏跪百僚奏稱文武百僚上公具官臣某等稽首言元正首祚臣等不勝大慶謹上千萬歲壽俛

伏興

百僚直身立

引退降階復位典儀曰拜贊者承傳在位

官皆再拜隨拜三稱萬歲躬禮直官引侍中詣御榻前承旨退西向宣曰舉公等觴宣訖退復位典儀曰拜贊者承傳在位官皆再拜隨拜三稱萬歲引班首以下分班東西序立禮直官舍人太常博士引上公至東階升至殿中監前北向持笏受盤升榻詣御座西向立皇帝舉第一爵宮架作和安之樂飲訖樂止上公受虛爵訖虛跪興降榻以爵受殿中監訖執笏引降階班首以下

復北向立定典儀曰拜贊者承傳在位官皆再拜揖笏
舞蹈又再拜

宗室進爵刺史及武功大夫

以

禮直官合

人引侍中自東階升進御榻前俛伏跪奏稱侍中臣某
言請延公王等升殿俛伏興降階復位次引侍中詣御

殿前躬承旨西向稱有制上公并應在再位官皆再拜
訖且躬宣曰延公王等升殿侍中退典儀曰拜贊者承

傳上公并應在位官皆再拜揖笏舞蹈又再拜禮直官

舍人引公王以下升殿兩廊群官並立於席後殿中監

升榻詣御座東西向進皇帝第二爵酒

第三第四爵酒並如上儀每進

進酒舍人指臣然後進酒訖贊就座

立登歌奏其曲

笙歌各樂章每詞臣取歲中所有

群瑞撰第二第第四爵並同飲樂止殿中監受虛爵殿上郡官詣

橫行位不升殿者於席後立舍人曰各賜酒舍人曰拜

贊者承傳上下群官皆再拜隨拜三稱萬歲舍人曰就

座群官皆座太官令行群官酒群官措笏受酒宮架作

正安之樂文舞入立宮架北觴行一周祝酒起因並樂官今奏

止尚食典御奉御進食置御座前太官令設群官食

猶並太官架奏文舞作三咸止出殿中監進皇帝第三

爵酒群官立於席後登歌奏某曲飲訖樂止殿中監受

爵舍人曰就座群官皆座太官令行群官酒架宮作正

安之樂武舞入觴行一周樂止尚食典御奉御進食置

御座前太官令設群官食宮架奏武舞作三咸止出殿

中監進皇帝第四爵酒登歌奏某曲太官令行群官酒

並如第二爵之儀觴行一周樂止舍人曰可起群官皆

立於席後禮直官舍人引侍中詣御榻前俛伏跪奏稱

侍中臣某言禮畢俛伏興群官俱降覆位立定典儀曰
拜贊者承傳在位官皆再拜揖笏舞跪又再拜訖分東
西序立內侍承旨索扇扇合簾降鳴鞭協律郎俛伏跪
舉麾興工鼓柷宮架奏乾安之樂皇帝降座御輿入自
東閣侍衛如來儀內侍贊扇開戛敔樂止禮直官舍人
引侍中版奏解嚴所司承旨放仗在位官皆再拜退宣
詞令於橫階南慰勞將士隨詞逐句應喏再拜次太常
樂工退馬端臨通考建炎以來歲舉行之王望之為禮部
侍郎言排韁不及請自來年冬至既而不累十日正月朔旦乃克行用黃仗三千三百五十人祝東部舊儀
損三之一時無大慶殿設于樂政殿行之以殿板上素出房不鳴鞭它如故事是日設宮架樂百官朝服上素如如儀自是一行而止時樂士院撰十二曲有瑞木成滄海澄清瑞采呈祥之曲是歲冬至亦如文德殿稱賀文和安壽之曲用上聲亦

十五年九月十四日禮部太常寺言勘會冬至大朝會
依太常寺條具前兩月申請所有今來年冬至大朝會
合取自朝廷指揮詔權免百伶是元正各節率車文武
子文德殿拜表稱賀

二十九年十月二十一日禮部太常寺言勘會今年冬
至并來年元旦依禮例宰臣率文武百僚諸文德殿拜
賀稱賀緣今來見在大行皇太后服制之內欲乞依禮
例宰臣率文武百僚詣文德殿進名奉慰詔依

三十年十月十一日禮部太常寺言檢准明德皇后典
故景德三年春正月甲辰朔上不受朝群臣詣閣拜表
稱賀契勘前項典故係在明皇德后小祥之後當時遇
正月朔上不受朝群臣詣閣拜表稱賀所有今年冬至
並來年元旦大朝會亦係在顯仁皇后小祥之後欲乞

依前件典故各於是日皇帝不受朝宰臣率文武百僚
詣文德殿拜表稱賀詔並免拜表稱賀

三十一年十月二十七日太常少卿王普等言勘會今
來車駕巡幸有合條具下項一將來冬至正旦拜表
稱賀緣在恭文順德仁孝皇帝服制之內已申朝廷乞
行奉慰所有今來車駕巡幸沿路冬至正旦徵權免奉
慰一今來巡幸行宮官僚遇冬至正旦欲乞於和寧
門外望行在拜慰表所有表文令禮部修撰拜表訖付
進奏院入遞進詔依

三十二年十月四日禮部太常寺言勘會今年冬至并
來年正旦大朝會緣係在欽宗皇帝服制之內依典故
是日皇帝不受朝群臣詣文德殿拜表稱賀詔依

隆興元年十一月五日禮部太常寺言勘會正旦大朝會依太常寺條前兩月申請所有來年正旦大朝會合取自朝廷指揮詔權免

十二月八日禮部太常寺言所有將來正旦日依禮例宰臣率文武百僚詣文德殿拜表詔依自後倣此杰按此條

與上一條以非
年事合有脫簡

乾道九年九月二十五日詔每歲冬至正旦大朝會例降指揮權免所有百官稱賀立班儀注令禮部太史臺閣門太常寺討論申尚書省取旨

十二月十四日兵部言准都省批下白劄子為大朝會設仗送兵禮二部同共討論申尚書省兵禮契勘得紹興十四年大朝會已降指揮自來排設黃麾大仗五千

二十七人今權減三分之一用三千三百五十人隨宜
罷列紹興十三年視朝於文德殿排設黃麾半仗二千
四百一十五人所有今來正旦朝賀今討論欲乞依紹
興十三年用黃麾半仗二十四百一十五人排設詔依
十八日禮部御史臺閣門太常寺言正旦朔賀節次欲
乞比附端誠殿稱賀禮例皇太子文武百僚七拜大起
居訖皇太子出班致詞復位又五拜極密承旨稱有制
皇太子已下兩拜俟極密宣答訖皇太子已下又五拜
畢退俟今降指揮下日乞令御史臺閣門太常寺同共
修定儀注詔依

同日禮部太常寺言將來正旦朔賀拜數節次禮部御
史臺閣門太常寺已行供申朝廷外今欲比附政和五

禮新儀月朔視朝儀條具下項 一持來正旦皇帝御
大慶殿服鮮袍即御座受賀一將來正旦皇帝御大慶
殿皇太子文武百僚並服常服稱賀詔依

二十四日兵部言據左右金吾衛仗六軍儀仗司申將
來正旦朝賀欲乞依紹興十三年禮例排設今開具合
行事件下項 一合用部轄統制將官各二員請納儀
仗旁頭一十人並執擎儀仗人兵二千三百六十四人
合於殿前司差撥 一契勘儀仗並合於殿前隨宜排
設所有大旗三十四口合於門外排設前一日卓立依
例量留人兵三十四人部轄將官二員守宿看管其餘
儀仗至日守麗正門入殿排立 一執儀仗人兵職掌
旁頭係入殿應奉之人合用勅入殿門號具數於皇城

司闈請 一依例合於朝賀前二日報皇城司前一日
閱職掌旁頭入殿標認地分 一合差金吾司官二員
充稱上將軍 一合差金吾司引駕四色官碧襯共三
十人詔依

二十五日禮部太常寺言勘會將來正旦稱賀今條具
到申請事件下項 一依已降指揮皇太子出班致詞
樞密承旨宣答今檢照元正朝會儀注朝賀致詞云元
正啟祥萬物咸新伏惟皇帝陛下膺乾納祐與天同休
宣答詞云履新之慶與卿等同之所以所有來年正旦稱賀
致詞並宣答詞欲乞依上件禮例施行 一將來正旦
皇帝御殿服韃袍卽御座受賀今欲乞以射殿櫈作大
慶殿 一來年正旦稱賀欲乞是日皇太子文武百僚

先赴赴立班稱賀畢次大金使人入賀賜茶酒訖其從駕官以俟從駕詣德壽宮起居太上皇帝並如已行儀

注一來年正旦稱賀所有合赴官並應奉人等欲乞麗正門出和寧門徑赴德壽宮以俟立班起居訖內不係從駕官却赶赴本處以俟迎駕奏聖躬萬福及訖是日麗正和寧門並南北宮門及經由大慶殿門戶並早二刻開詔依
自後仿此

淳熙元年九月七日禮部太常寺言勘會冬至大朝會依太常寺條具前兩月申請所有今年冬至大朝會合取自朝廷指揮詔權免

同日禮部太常寺言勘會將來冬至大朝會已降指揮權免所有朝賀今欲乞依淳熙元年正月一日正旦朝

賀節次比附端誠殿稱賀禮例施行詔依其儀仗儀注
禮兵部御史臺閣門太常寺重別討論中尚書省

十月十四日禮兵部御史臺閣門太常寺言尋下左右
金吾街仗司討論去處本司申昨淳熙元年正月一日
大慶殿朝賀排設黃麾半仗二千四百一十五人今承
指揮將來冬至朝賀排設儀仗本司今討論欲乞用黃
麾角仗一千五十六人今欲依左右金吾街仗司討論
到事理施行詔依

二十九日禮部太常寺言將來冬至稱賀今條具到申
請事件下項 一依已降指揮皇太子出班致詞樞密
承旨宣答今檢照冬至朝會儀注朝賀致詞云昇運推
移日南長至伏惟皇帝陛下膺乾納佑與天同休宣答

詞云履長之慶與卿等同之所有將來冬至稱賀致詞並宣答詞欲乞依上件禮例施行一將來冬至皇帝御大慶殿服韓袍即御座受賀今欲乞以射殿作大慶殿一將來冬至稱賀欲乞是日皇太子文武百僚趨赴立班稱賀畢其從駕官以俟從駕詣德壽宮不係從駕官俟稱賀立班訖先詣德壽宮門外以俟迎駕奏聖躬萬福如值雨或露濕櫂免俟皇帝詣德壽宮大次降輦次報皇太子宰執并文武百僚詣德壽宮殿下立班定太上皇帝即御座殿下禁衛起居如常儀以俟皇帝升殿並皇太子宰執文武百僚百朝見起居太上皇帝並如已行儀注一將來冬至稱賀所有合趨赴官并應奉人等欲乞入麗正門出和寧門徑赴德壽宮以俟立

班起居訖內不係從駕官却赶赴本處以俟迎駕奏聖
躬萬福詔依自後
仿此二年十月十一日詔百官朝賀拜表
冬至為行奉上尊號用寶典禮權免一次其合諸德壽
宮拜表稱賀用前一日

八年十二月二十九日詔正月一日大慶殿文武百僚
稱賀為值兩特免設儀仗

中興禮書第二百一卷

嘉禮二十九

改元

開年月十四日禮部太常寺言檢准德音建炎五年可改為紹興元年今勘會改元依禮例合奏告天地宗廟社稷宮觀諸陵據太史局選定奏告天地社稷宮觀宜用正月二十日奏告諸陵宜用二月一日今參酌奏告禮例開具下項
一奏告天地社稷乞於天慶觀設位望祭行禮所有合用神位版并鋪設學生乞下太史局差辦
一奏告天地社稷龍瑞宮告成觀天慶觀依禮例係朝廷降勅差執政侍從官共五員前一日致齋於本司惟告事得行至日五更赴逐處行事
一奏告諸陵

乞於圓通院設位望祭依禮例係朝廷降勅差宗室二員前一日赴祠所致齋唯告事得行一奏告天地社稷合用酒脯鹿齋宮觀合用鵝梨法器及各用幣帛燭等并諸陵合用茶酒果牙盤食及逐處合差奉禮郎太祝太官令乞下越州差官排辦一奏告合用祝文青詞表文並述以改元奏告之意乞下學士院修撰進書訖降付太常寺內奏告宗廟祝文降付進奏院入急遞付溫州奉迎神主提點所交割其逐處合用御封降真香乞具數闋入內內侍省取附內告奏宗廟香降付溫州一今來奉迎宗廟神主見在溫州所有奏告日并合行事件乞候降香祝到日令提點所一面選日排辦詔依

紹興三十二年十一月六日禮部侍郎黃中等言恭覩
已降詔書以明年改元為隆興今檢准國朝典故改元
詔下擇日遣官奏告天地等處今欲乞令太史局擇日
奏告天地宗廟社稷諸陵景靈宮太一宮天慶觀報恩
光孝觀紹興府兩攢宮并祭告追用皇后攢宮其所差
奏告祭告官乞令太常寺具稟目申中書省降勅差官
所有合差光祿卿已下行事官并應合辦事件並乞
從太常寺依自來奏告禮例關報所屬詔依乾道淳熙
改元並仿
此十四日太常寺已降指揮改元詔下日擇日奏告天
地等處令據太史局選用十二月二十日壬午吉令具
合告奏告官並合前一日赴逐處致齋至日行事內奏
告昊天上帝於圓壇皇地祇於錢湖門外惠照院望祭

齊宮宗廟社稷景靈宮太一宮天慶觀報恩光孝觀並

於本處

內光孝觀于明慶寺致齋至日詣本觀行事致

諸陵于錢湖門外寶德

紹興府兩攢宮於本宮追用皇后攢宮於錢湖門外本宮並乞差宰執侍從官充內宗廟諸陵追用皇后攢宮

差南班宗室節度使正任以上充其兩攢宮乞就差紹

興府南班宗室充候降香表到本府日一面依自來體

例排辦擇日奏告行禮其奏告景靈宮行事官致齋幕

次依例於齊殿兩廊令臨安府釘設排辦今具合差官

下項昊天上帝皇地祇太廟別廟太社太稷奏告官各

一員景靈宮前殿聖祖天尊大帝後殿元天大聖后中

殿諸帝奏告官一員景靈宮前殿聖祖天尊後殿昭憲

皇后至慈聖光憲皇后奏告官一員後殿宣仁烈皇后

至顯仁皇后奏告一員太一宮天慶觀報恩光孝觀奏
告官各一員諸陵奏告官二員兩攢宮奏告官一員追
冊皇后攢宮祭告官一員詔依乾道淳熙改元並仿此

乾道元年正月一日赦書節文載惟我宋之肇禋迺當
乾道之盛際告皇祖紀告元之義采羲文行健之辭誕
易嘉名以寧大器宜推作之宥益廣好生之仁其隆興
三年可改為乾道元年九日太常寺言檢准今來郊祀
大禮已降赦書隆興三年正月一日改為乾道元年本
寺勘會依禮例合擇日奏告天地等處其所差奏告官
依例具稟目申中書省降勅差官今據太史局遼定宜
用正月十五日乙丑吉乞分作兩日行禮內天地宗廟
社稷景靈宮並於正月十四日赴逐處致齋至十五日

行事太一宮天慶觀報恩光孝觀諸陵安穆皇后攢宮
並於正月十五日赴逐處致齋至十六日行事于奉陵
歲次癸卯年正月廿六日奉如儀事相
姑乞祝都臺宿齋主日赴本處行
事詔依

十日太常寺言勘會今來改元奏告天地宗廟社稷等
處用正月十五日行禮其日依禮例皇帝前殿不視事
詔依

淳熙元年正月九日郊祀赦書節文載惟年統仰體乾剛
既用九以宅師將通貫變宜改元而發號茂介純熙肇
易嘉名肆啟慶賚詔依

十二月五日太常寺言已降指揮乾道十年正月一日
改為淳熙元年依禮例合擇日奏告天地等處今選用
十二月十一日己巳吉依例分作兩日行禮內天地宗

廟社稷景靈宮並於十二月十日赴逐處致齋至十一
日行事太一宮天慶觀報恩光孝觀諸陵安穆皇后安
恭皇后攢宮並於十二月十一日赴逐處致齋至十二
日行事所有奏告景靈宮前殿係差宰執在都堂宿齋
至日五更赴本宮行事欲乞是日景靈宮櫑星門並經
由門戶俟奏告官到即時開門放令入宮行禮畢退却
行錄聞詔依

中興禮書第二百二卷

嘉禮三十

元旦冬至羣臣朝賀

冬至羣臣朝賀儀

樂按各及元日卽賀儀永
及一萬七千四百六十四凡兩儀
其冬至朝賀儀又見卷十四

其日應在內諸門並比常早一刻開於大慶殿列黃麾
角仗行門禁衛諸班直親從等並入內省執骨朵使臣
排立如儀讀奏目知閣門官并簿書官當祇應宣贊舍
人已下覺察失儀提點承受等並就一班於殿下北向
立定閣門御史臺太常寺分引文武百僚並就入赴殿
下分東西相向立次太常寺禮直官引宰執使相到位
立定次閣門提點引皇太子到位立定次舍人傳稱警

四色官趨赴殿庭稱警畢閭門附內侍進班齊牌皇帝
服靴袍出鳴鞭行門禁衛諸班直親從等并入內省執
骨朵使臣並迎駕自贊帝起居皇帝升御座舍人贊執
仗人四拜起居次舍人贊讀奏目知閭門官已下常起
居訖知閭門官升殿讀奏目翰官各歸位
侍立執塵舍人就位揖

皇太子已下躬舍人當殿直身通文武百僚皇太子某
已下起居稱賀皇太子已下直身立舍人禮直官引皇
太子宰執使相已下文武百僚北向立班定舍人揖躬
身典儀曰再拜贊者承傳在位官皆再拜揖笏舞蹈又
再拜訖且躬身班首不離位奏萬躬萬福訖典儀曰再
拜贊者承傳在位官皆再拜訖直身立禮直官引禮
一員由東階升躬身

以俟

東

西

答

舍人引皇太子出班到位俛伏跪

百僚並
躬身

致詞訖。悅伏興却引歸位。揖皇太子躬。典儀曰。再拜贊者。承傳在位官皆再拜訖。且躬身殿上禮直官引樞密當御座前躬身承旨退諳折檻東西向立稱有制皇太子已下兩拜訖。且躬身樞密宣答訖復位立典儀曰。再拜贊者。承傳在位百官皆再拜訖。直身立俟皇帝起鳴鞭。皇太子已下並退舍人承旨放仗四色官趨赴殿庭。稱奉勅放仗押仗官就位兩拜訖退。

正旦辟臣朝賀儀

其日大慶殿列黃麾半仗行門禁衛諸班直親從等并入內省執骨朵使臣排立如儀閭門御史臺太常寺分引文武百僚並執入赴殿下分東西相向立定次太常寺禮直官引宰執使相到位立定次閭門提點引皇太

子到位立定讀奏目知閣門官并簿書官當祇應宣贊

並執笏

一班於殿下北

舍人已下覺察失儀提點承受等

並執笏

向立定次舍人傳稱警四色官趨赴殿庭稱警畢閣門

附內侍進班齊牌皇帝服鮮袍出鳴鞭行門禁衛諸班

直親從等並入內省執骨朵使臣並迎駕自贊常起居

皇帝升御座舍人贊執仗人四拜起居次舍人贊讀奏

目知閣門官已下常起居訖知閣門官升殿讀奏目

傳官

各歸位立舍人揖皇太子已下躬舍人當殿直身通文

武百僚皇太子某已下起居稱賀皇太子已下直身立

舍人禮直官引皇太子宰執使相已下文武百僚北向

立班定舍人揖躬身典儀曰再拜贊者承傳在位官皆

再拜稽笏舞蹈又再拜訖且躬身班首不離位奏聖躬

萬福訖典儀曰再拜贊者承傳在位官皆再拜訖直身立禮直官引桓容一員由東階升殿東坐面西立以俟宣答舍人引皇太子出班到位俛伏跪正僕並躬身致詞訖俛伏興却引歸位揖皇太子

躬身典儀曰再拜贊者承傳在位官皆再拜指笏舞踏

又再拜訖且躬身殿上禮直官引樞密當御座前躬承

旨訖退詣折檻東西向立稱有制皇太子已下兩拜訖

且躬身樞密宣答訖復位立典儀曰再拜贊承傳在位

官皆再拜指笏舞踏又再拜訖直身立俟皇帝起鳴鞭

皇太子已下並退舍人承旨放仗四色官趨赴殿庭稱

奉勅放仗押仗官就位兩拜訖退

淳熙十二年十二月十七日御史臺閭門太常寺言勘

會已降指揮太上皇帝聖壽無疆來歲八十年元日行

慶壽禮訖是日皇太子文武百僚先赴大慶殿立班稱

賀詔依

悉為後人增入

十二月二十八日詔太保致仕史浩已降指揮令赴慶立班來年正月一日大慶殿朝賀特令立班

淳熙十四年十一月六日禮部太常寺言勘今年十一月十四日十一冬至緣在大行太上皇帝服制之內

禮書告成時

高宗未崩故永思陵

按杰

事載續編此為後人增入無疑乞是日宰臣率文武

百官謁德壽殿入臨次移班進名奉慰皇太后皇帝皇后仍乞是日除合從駕官並應奉官隨駕官其沿路逐幕次起居官權免起居先赴德壽宮門外以俟迎起居如值雨霑濕免詔依

十二月十八日禮部太常寺言勘會來年正旦緣在大

行太上皇帝服制之內乞是日宰臣率文武百僚詣德
壽殿入臨次移班進名奉慰皇太后皇帝皇后仍乞是
日除合從駕官并應奉官隨駕官其沿路逐幕次起居
官權免起居先赴德壽宮門外以俟迎駕起居如值雨
宿溫權免詔依

淳熙十五年十一月四日禮部太常寺言檢准紹興三十
年十月十一日勅檢准明德皇后典故景德三年春
正月甲辰朔上不受朝群臣詣閣拜表稱賀契勘前項
典故係在明德皇后小祥之後當時遇正月朔上不受
朝群臣詣閣拜表稱賀所有紹興三十年十一月十六
日冬至并三十一年十一月十六日冬至並三十一年
正旦亦係在顯仁皇后小祥之後依前件典故各於是

日皇帝不受朝宰臣率文武百僚拜表稱賀奉詔並免
拜表稱賀契勘今來十一月二十五日冬至并來年正

旦係在高宗皇帝小祥之後緣有前項典故指揮所有
宰臣率文武百僚拜表稱賀更合取自朝廷指揮

松林

元年十四年十五年事永樂大典卷
十四及卷五十三百五十一凡兩載

中興禮言第二百三卷

嘉禮三十一

天申節一

建炎元年五月六日詔自今月七日天寧寺開啓天申
節道場祝香作樂宰執免茶酒應天府官屬依例排辦
其外路州軍指揮到日如趁辦不及自來年閒啟
十二日太常寺言將來天申節比附乾龍節禮例臣僚
上壽尚書省賜宴在京臣僚內外命婦等進奉諸道州
軍監舊例以本處係省銀絹馬進貢建置道場以香合
進奉功德疏文許令入遞及逐處禁屠宰三日前後各
一日決大辟遇聖節三日前後各一日不行決其流以
下罪過正節日並准此聖節假三日前後各一日詔依

三年四月十六日詔天申節諸州軍開啟滿散公筵以
二聖未還權罷伎樂餘依例排辦

四年十月十六日詔天申節合回進隆祐皇太后度牒
五十道紫衣五十道令禮部於內東門司日下進入
紹興元年四月二十五日詔文武百僚開啟天申節道
場合作樂祝香朕以大母初崩隆祐皇太后俯終易月
之制餘哀未泯情所不安可不許施樂

五月十六日兩浙西路安撫大使劉光世言據知楚州
祝友狀天申節合於四月二十一日開啟祝聖壽道場
一月及依例有進貢功德疏銀絹之物竊緣今來楚州
累遭殘破除已嚴潔酒掃天慶觀舊殿基准備行香上
祝聖壽不敢少虧臣子之心外有合進功德疏銀絹之

物本州難為應辦光世契勘楚州近方收復撫定之初
欲望朝廷特賜權免詔依

七月八日知漢陽軍馬友進天申節功德疏并銀五百
兩詔令學士院降勅書獎諭

二年閏四月十八日詔今月二十一日三省樞密院官
以下赴天竺寺開啟天申節道場本處並作休務假
三年五月十五日詔天申節行在禁衛諸班直親從親
事輦官宿衛親兵神武諸軍御前忠銳將樞密院三衙
軍兵宰執下親兵可令戶部依例犒設一次

二十三日大內鑰匙庫奏閻門關天申節是日文武百
僚拜表并今後每遇天申節拜表本庫即未敢便依朔
望及冬年節拜表例早一刻開門詔依已得指揮

七年五月十六日行宮御史臺閣門言天申節太常寺
已申請至日先拜起居表畢次拜天申節表外契勘同
日文武百僚合謝天申節時服今欲乞至日俟拜天申
節表訖次留守率文武百僚謝時服其謝時服節次欲
依今年謝端午時服例所有稱謝時服表乞下禮部修
寫其表從留守司差人投進詔依

十一年四月六日禮部太常寺言天申節前一日開啟
至日拜表訖滿散依紹興五年四月十五日己降指揮
外其開啟滿散日祝壽道場上香之際欲乞依紹興六
年已前禮例用樂讚祝詔依

十三年五月二十一日三省官俟上壽立班訖次赴滿
散依禮例合用齋筵緣今來尚書省比在京間例不同

欲乞令臨安府先踏逐可以作齋筵去處申取朝廷揮
指一依禮例百僚上壽畢宣羣臣就坐三行羣官酒
并滿巵日作齋筵及聖節後作大宴合用器皿生物酒
果食味及樂棚陳設等乞令御厨翰林儀鸞司省記條
具申請一諸路州軍縣鎮等乞依自來遇聖節禮例
開啟滿巵仍乞令進奏院挨指揮降下遍牒施行一
在京日作齋筵于尚書省用教坊衙前樂人左右軍巡
院百戲築毬相僕人女隊祇應其聖節後日作大宴于
集英殿用教坊樂人左右軍巡院百戲女童隊教坊子
弟小兒隊築毬相撲人應奉其教坊緣見今闢欲令鈞
容直權代作樂祇應所有合用女隊并女童并小兒隊
百戲作築毬相撲等仍乞令臨安府前期相度條具申

請辦一作齋筵并大宴依例合賜花乞令工部下所屬製造依條例給散一宰臣率百僚於紫宸殿上壽儀乞令太常寺修定內樞密已下於垂拱^殿上壽儀乞閣門修定申請詔依

三月四日中書門下省言將來宴殿陳設止用緋黃二色不用文繡詔有司遵守今後更不製造

十一日御史臺言將來天申聖節上壽合行申請事件下項一每遇聖節開啟滿散自巡幸後來隨宜增用文臣選人以上赶赴立班并送納香錢今來天申節舉行上壽并大宴及作齋筵係於殿廷等宴集欲乞依條例告集應通直官郎以上及行在見任寺監主簿承務郎以上職事官趁赴及送納香錢所有其餘官令所屬

施行 一將來上壽并大宴赴宴官不廟及未罷先退
殿上委中丞彈奏至時若成闈官欲乞時暫牒請諫議
大夫權攝又闊即乞於兩省官內從上牒官一員權攝
一上壽畢宰臣以下詣寺庭滿散并赴尚書省齋筵
及中筵起再坐若賜茶果依議并中使赴逐處宜勅俟
宣訖望表謝恩訖以表授中使所有逐次合用表文等
乞下所屬契勘修撰及前期令行首司掌管至時排辦
詔依

十三日客省言將來天申節臣僚依條進奉壽金酒器
銀香合馬依今降指揮合行申請詔許依條進奉
十九日閣門言將來天申聖節上壽集英殿宴應用器
皿陳設并酒饌食味樂次等令閣門取會所屬預報從

閻門審詳如有不依舊制即行改正仍檢舉催促逐處
預要足備祇應人等並令教習詳熟如違令閻門彈奏
詔依

二十四日禮部言准都省批送下內侍省申將來天申
節齋筵合與不合依舊制本省作都大提點所等事後
後批送禮部勘當申尚書省尋下太常寺勘會在京日
每遇聖節齋筵本省官係以都大提點齋筵所為名今
看詳今來天申節齋筵欲依本省所乞事理施行詔依
二十六日禮部言江州申將來天申節許令有司舉行
舊典等事今契勘本州遇天申節除合啟建滿散祝聖
壽道場進功德疏外依今降指揮合依舊例作齋醮宴
設在州官員將校軍職員等今來本州見屯駐鄂州駐

劄御前遊喪背嵬兩軍所管軍兵各係有官將校計七千餘員今來開啟滿散宴設未審合與不合依本州官屬施行伏乞指揮尋下太常寺勘會江州見駐劄御前兩軍將校將來天申節開啟滿散宴設若並令趨竊慮員數稍多州軍難以排辦今相度乞申明朝廷令統領官以上許趨赴外其餘有官將校並免趨赴所有其他州軍如見駐劄諸軍亦乞依此施行仍令進奏院遍牒行下詔依

二十四日禮部太常寺言諸州軍屯駐軍兵如有在諸縣鎮駐劄即未有該載許趨赴宴去處明文若並令趨赴州軍筵宴竊慮有道路窎遠之處往復數日致軍寨官軍無人軍鈐束今欲乞將來聖節其諸縣鎮屯駐軍

兵依上件指揮今統制統領官已上赴赴如鎮無宴設
許赴縣若縣又無即赴詔依

四月十一日禮部太常寺言將來天申聖節除已討論
申請外今續次申請下項一將來上壽依儀內班首
稱上公欲依舊於儀注內修定上公升殿上壽一儀
內合差尚醞典奉御尚食典奉御并太官令緣六尚局
已併罷今欲乞於儀內依舊稱尚醞尚食典奉御大官
今依例令翰林司御廚差官充詔依

十七日禮部言准都省批送下省行首司申依舊例開
啟祝聖壽道場退三省率侍從兩省官樞密院率橫行
使已上就寶梵院用樂作齋筵所有排辦集坐去處欲
乞行下所屬踏逐并差撥合用樂人一行事務等後批

送禮部看詳申尚書省尋下太常寺看詳欲依舊例施行其集坐去處事務等乞令三省行首司樞密院客司踏逐同共省記在京體例條具申請詔依

十八日禮部言准都省批送下臨安府申契勘開封府每遇聖節前五日就錫慶院茶酒七盞燕設官吏父本府自來遇聖節官屬並是至日就府早晚茶酒所有將來元申節合與不合依開封府例前五日排辦唯復只依本府舊例至日茶酒後批送禮部勘當申尚書省尋下太常寺勘會將來天申節筵會若令本府依外州軍例至日筵會緣同日係尚書省齋筵寫慮相妨欲令本府依開封府例又緣未曾修置錫慶院本寺契勘當欲乞令本府前五日權就本府設宴排設詔依

二十二日入內內侍省言今省記得昨在京日遇聖節
本省官已下赴上清儲祥宮滿散道場畢次赴大相國
寺寶梵院御筵其管幹御筵諸司使臣係差散祇候使
臣二員合用酒果食味之類各有所屬供送今來本省
若依在京日例其應合辦辦事務欲今所差使臣隨宜
申請詔依在京日例施行

二十九日閣門言檢會令諸遇天寧節橫行五司官吏
知客如到聞未見已辭未發同於祐神觀百順殿開啟
祝聖壽道場豫差第一等舍人主管滿散日香合功德
疏送內東門司投進知簽書東上閣門事同客省引進
司四方館西上閣門官吏并舍人提點同提點承授兼
祇應主管使臣承受行首至守仕人並赴錫慶院御筵

許張樂珥花前一日報入內內侍省開封府翰林儀鸞司御厨排辦勘會今來並已舉行舊制欲乞閤門官已下遇天申聖節依令排辦開啟滿散詔依內開封府改令臨府排辦

三十日禮部言准省批送下太宗正司申據尊長楊州觀察使士太等狀伏覩政和重修大宗正司令節文諸宗室遇聖節道場聽本司於明聖觀音禪院開建滿散道場賜御筵使臣閱會豫座員數限二日報又令賜御筵本司承官赴坐士太等契勘今來天申節道場於臨安府淨仕院啟建所有御筵未審合與不合降賜伏乞備申朝廷施行後批送禮部看詳申尚書省尋下太常寺勘當欲令大宗正司官率南班宗室止於聖節前二

日滿散訖隨樞密院官赴尚書省齋筵其宗承欲依

官序三省官赴尚書省齋筵詔依

閏四月九日准都省批送禮部言

正司行中為將東天申節本司政建禮許赴

宿通院外其賜御建禮許赴

一號易為辦集後批送禮部勘當中尚書省

寺助會天宗正行司係在紹興府其下太常

司合解宴說今勘當依大宗正行司

府一號辦集

閏四月二日安德軍節度使知大宗正事權主奉濮安
懿王祠事士太劄子伏覩已降指揮天申聖節文武百
僚上皇帝千萬歲壽欲望朝廷特賜數奏許令士太前
期赴行在隨班上壽庶盡華封祝堯之誠詔依

五日雨浙轉運副使張叔獻言天申節大宴今未司造
山樓二座欲權行闕傍慈寧殿山樓一座應副宰執進
呈上日慈寧殿山樓皆朕自全計置專充太后宴設不

欲令他用且將木值借與所有彩段移借則損污豈朕
所以奉太母之意也秦檜等日陞下崇奉東朝之嚴如
此孝德無以加矣

十三日御史臺言將來天申聖節尚書省御筵宰臣以
下百官合賜花數今省記此附條具下項宰臣親王大
花一十八朵樂枝十朵三公三少謂帶節度使并開府
儀同三司大花一十六朵樂枝八朵大執政官大花十
四朵樂枝八朵恩文殿資政大學士如係前兩府并節度使大花一十二朵樂枝八朵權尚書御史中丞大花十
二朵樂枝六朵六曹侍郎至直學士給事中中書舍人
左右諫議大夫通議大夫以上大花十朵樂枝六朵承
宣觀察使大花十朵樂枝六朵待制權侍郎太中大夫

大花十朵樂枝四朵太常宗正卿祕書監大花八朵樂
枝四朵防禦使至刺史大花八朵樂枝四朵起居郎舍
人侍御史大卿監太常宗正少卿秘書少監檢正左右
司郎官檢詳以上大花八朵樂四朵中散大夫七寺少
卿以上大花六朵樂枝四朵朝奉大夫六曹郎中以上
大花六朵樂枝四朵殿中侍御史監察御史大花六朵
樂枝二朵六曹員外郎少府將作軍器少監并朝請郎
至通直郎大花六朵薄見仕承務郎事官准此主宗室遼郡
大花六朵樂枝二朵主管班次引贊官大花四朵諸色
祇應宴大花二朵宰臣以下至百官並係羅花禁衛諸
色祇應人并係絹花詔依二月十九日集英殿大宴言今月
三十日集英殿大宴言今月
已降指揮數目支破外所
有該數目支破外所
以下百官賜花違依已降指揮數目支破外所
事官詩監主薄承務郎以上未有該數目支破外所
事官詩監主薄承務郎以上未有該數目支破外所

本依六曹員外郎以主通直郎支使辦事大花六朵
臺主管班次引贊官所賜花亦未有該數目明
文武缺近隣尚書省賜御筵已得指揮本臺
主管班次引贊官相大花四朵數目支破訖依

十四日睿思殿外庫狀准工部取索將來聖節大宴睿
思殿祇候簿書合賜花數目尋行省記得昨在京日值
睿思殿各羅帛大花一十朵樂枝四朵係帶進郡利史
以上睿思殿供奉各羅帛大花八朵樂枝二朵係未帶
進郡即今睿思殿祇候內有見帶橫行進郡承宣觀察
至刺史之人今即並係一等寄資所有合賜花數目未
敢便行回報內中奏聞奉聖旨睿思殿祇候各羅帛大
花一十朵樂枝四朵睿思殿掌管簿書各羅帛大花八
朵樂枝二朵

十六日閻門言已降指揮殿前馬步軍司諸軍統制官

等應朝參等並免赴赴所有將來天申節上壽統制統領內合赴坐官特許赴坐遇宴統制領統正任橫行亦許赴坐或差出事故職事相妨並前期報閭門施行詔依

五月四日禮部言准都省批送下兩浙轉運浙西提刑
提舉茶鹽市舶司申為舊例京畿諸司赴赴聖節隨班
上壽今來天申節乞許逐司官依舊例施行後批送禮
部勘當申尚書省尋下太常寺勘當欲依逐司所申事
理施行詔依自後每遇聖節赴上壽率以爲例

同日禮部太常寺言將來天申聖節令具合差官下項
知樞密院官一員承旨宣制欲乞差樞密院官殿中監
一員以盤蓋授上公并啟蓋授盤蓋俟上公進壽酒訖

次進第一第二第三蓋酒乞於侍從兩省官內差官殿
中少監一員以酒注于盞乞於卿監內差侍中一員奏
禮畢乞差執政官詔依

七日禮部言准都省批送下殿前馬步軍司申昨在京
日遇聖節依軍馬司令管軍臣僚率諸軍將校赴上清
儲祥宮開啟道場一月於開啟罷散日就殿前司齋筵
酒食器皿陳設等並大官翰林儀鸞司應副排辦今來
逐司見依在京日條例率諸軍將校建置祝聖壽道場
欲今後開啟滿散日就殿前司齋筵其酒食器皿等並止
逐司排辦所有諸軍統制統領官亦許隨管軍趁赴後
批送禮部看詳申尚書省奉下太常寺勘當缺依逐司
所申事理詔依五月十六日殿前馬步軍司狀與
逐司依指揮今後遇聖節建置道場

率軍將校并統制統領官趁赴開政治滿載就殿前司齋
廷所司見供職屬官內文臣通直郎以上武臣修
制統領官趁赴詔使
職郎以上從乞並全同統

八日御史臺太常寺閣門言將來天申聖節紫宸殿上
壽儀今修立下項自紹興十四年天申聖節金國使人
到闕上壽其拜數減節不同詳于其後

陳設

前一日儀鸞司陳設紫宸殿門之內設御座於殿上當
中南向尚醞設御酒樽酒器於殿下及設羣官座如御
史臺閣門之儀

上壽

其日質明三公以下文武百僚並赴紫宸殿門外就次
御史臺引殿中侍御史一員先入就位御史臺太常寺

閭門分引三公以下文武百僚入詣殿庭東西相向立
班閭門附內侍內侍進班齊牌皇帝出閣禁衛諸班親
從迎駕自贊常起居皇帝陞御座鳴鞭禮直官宣贊舍
人引三公至執政官御史臺閭門分引文武百僚並橫
行北向立定禮直官揖躬興儀曰再拜贊者承傳在位
官皆再拜揖笏舞蹈又再拜班首奏聖躬萬福又再拜
訖分東西序立禮直官引殿中監少監升東階詣酒樽
所稍西南向西上立舍人揖教坊使以下通班大起居
次看盞人謝升殿贊再拜內侍進御茶林殿侍酌酒訖
禮直官宣贊舍人分引三公至執政官御史臺閭門分
引文武百僚并橫行北向立定興儀曰再拜贊者承傳
在位官皆再拜訖禮直官宣贊舍人引上公升東階閭

閣門官接引升殿詣樽所北向搢笏殿中監奉盤蓋授上公西向立殿中監啟蓋殿中少監以酒注于蓋上公奉酒詣御座前躬進訖少跪退虛跪興以盤授殿中監出笏禮直官閣門官引上公詣御座前俛伏跪奏文武百僚上公具官臣某等稽首言天申全節臣等不勝大慶謹上千萬歲壽奏訖俛伏興退降階舍人接引復位典儀曰再拜贊者承傳在位官皆再拜禮直官引知樞密院官詣御座前北向躬承旨退詣折檻東西向宣曰得公等壽酒與公等內外同慶知樞密院官退復位典儀曰再拜贊者承傳在位官皆再拜禮直官宣贊舍人等分引三公以下文武百僚分東西序立禮直官宣贊舍人引上公升東階閣門官殿上接引詣御座東北向

持笏殿中監授盤上公捧詣御座東西向立樂作皇帝
敘訖閣門官引上公接蓋少退虛跪興以蓋授殿中監
出笏引退降階舍人接引復位禮直官宣贊舍人等分
引三公以下文武百僚橫行北向立定典儀曰再拜贊
者承傳在位官皆再拜持笏舞蹈又再拜宗室遙郡以
下光退禮直官引知樞密院官詣御座前向北躬承旨
退詣折櫈稍東西向立宣曰群官升殿宣訖退東向立
典儀曰再拜贊者承傳在位官皆再拜禮直官宣贊舍
人分引三公以下升東階親王使相以下升西階御史
臺閣門分引秘書監以下升兩朵殿并東西廊席後立
尚醞典御以蓋授殿中監奉御啟蓋殿中監西向立殿
中少監以酒注于蓋第二第三准此殿中監奉酒詣御

座前躬進訖少退捧盤西向立樂作皇帝飲訖殿中監
接蓋少退以授奉御訖執笏復位宣贊舍人分引殿上
官橫行北向舍人贊再拜典儀曰再拜贊者承傳群官
皆再拜舍人贊就座各立席後復贊就座群臣皆坐酒
初行先宰臣次百官皆作樂尚食與奉御進食大官令
設群官食後准此皇帝再舉酒群官興立席後樂作飲
訖宣贊舍人贊就座再行群官酒皇帝三舉酒並如第
二之儀酒三行訖宣贊舍人曰可起群官興立席後若
宣示蓋即隨知閣門官以下揖稱宣示蓋躬贊就座若
勸即立席後躬飲訖贊再拜內侍舉御茶林禮直官引
侍中詣御座前北向俛伏跪奏具官侍中臣某言禮畢
俛伏興退復位禮直官宣贊舍人分引三公以下文武

百僚降階橫行北向在朝王臣官典儀曰再拜贊者承傳
群官皆再拜訖播笏舞踏再拜訖退皇帝降座還內如
來儀詔依

十一日閣門言將來天申節垂拱殿紫宸殿上壽并集
英殿宴於今月十七日文武百僚并應奉官司詣逐殿
習上壽儀於十六日詣集英殿習宴儀並作休務假所
有紫宸殿中壽并集英殿大宴合赴坐文臣御史臺前
五日據實數報閣門詔依

同日閣門言令修立定將來集英殿宴儀注如後其日
宰臣已下并應合赴宴文武百僚并分東西入殿庭相
向立定知閣門官已下并在內監臨祇應武功大夫以
下主管鍾鼓院官樞密院諸房逐房副承旨逐位酒食

使臣左右軍巡使於集英殿下北向立定先需雲殿入
內省官喝排立皇帝需雲殿駐輦內侍鳴鞭

鳴鞭此時
太班起居郎

本殿排立親從迎駕自贊常起居先讀奏目知閣門官
當祇應舍人并簿者官提點承授使臣翰林司官一班

翰林司官公服
餘員外郎次內侍都知已下并帶御器械官一班

次內侍都知已下并帶御器械官一班

帶御器械官公服
餘員外郎次管軍并新舊城裏巡檢廂都指揮使

以上逐班常起居注次殿前左右班排立親從并迎駕

常起居閣門附內侍進班齊牌皇帝集英殿坐殿前指
揮使鳴鞭排立行門禁衛諸班親從托食天武東西班

等迎駕自贊常起居舍人贊鍾鼓院掣壺正己下迎駕

四拜起居次知閣門官已下并在內監臨祇應武功大
夫以下主管鍾鼓院官樞密院諸房逐房副承旨逐位

酒食使臣左右軍遞使一班通班常起居官由末附升

次通喚知閣門官於折櫺東西向立宣費舍人當

殿躬通文武百僚宰臣姓名已下謝宣召赴宴知閣門

官稱通舍人應喏直身通班首姓名下已到知閣門官

稱通喚訖歸上侍立位舍人虛攝引班舍人揖躬舍人

直身稱喚訖宰臣以下應喏直身立宣贊舍人人少南

面東折方揖訖自班後過歸侍立位舍人分引宰臣已
下橫行知閣門官贊天起居訖舍人引班首出班俛伏
跪致詞訖俛伏興歸位五拜贊各就坐兩拜贊就坐舍
人分引殿上官升殿席前立兩朵殿兩廊官席後立次
教坊使已下通班大起居次看盜人稍前兩拜訖贊上

殿祇候分立兩陛俟進酒分上殿祇應進御茶林次殿
侍酌酒訖舍人贊天武門外祇候應喏絕知閭門官當
御前躬奏班首姓名已下進酒引宰臣已下橫行進酒
賜酒八拜就坐並如儀酒三行入內省官喝賜酒食先
管軍謝酒食兩拜次知閭門官已下并在內監臨祇應
武功大夫已下主管鍾鼓院官樞密院官諸房逐房副
承旨逐位酒食使臣等內侍都知已下帶御器械官及
應合應奉官閑班謝酒食兩拜訖各歸侍立祇應位次
教坊作語排臣僚立席後作語訖兩拜至第一段雜劇
出閭門奏再坐時刻放隊畢舉御茶牀皇帝降坐鳴鞭
宰臣以下退俟戴花訖前二刻催班立定閭門附內侍
進班齊牌皇帝需雲殿駐輦內侍都省已下帶御器械

官迎駕奏萬福舍人贊謝花兩岸次殿前左右班親從
迎駕奏萬福自贊謝花兩拜皇帝集英殿坐殿前指揮
使鳴鞭排立行門禁衛諸班親從托天武東西班等并
鍾鼓院掌壺正已下迎駕奏萬福自贊謝花兩拜次知
閣門官已下并在內監臨祇應武功大夫已下主管鐘
鼓院官樞密院諸房逐房副承旨逐位酒食使臣左右
軍巡使一班大班前立宣名奏萬福訖各歸侍立祇應
位知閣門官奏實赴坐劄子次羣臣已下宣名奏萬福
謝花兩拜贊各就位兩拜贊就位坐分升席後立次管
軍一班宣名奏萬福謝花兩拜次知閣門官已下并在
內監臨祇應武功大夫以下主管鍾鼓院官樞密院諸
房逐房副承旨逐位酒食使臣左右軍巡使闢班謝花

兩拜次教坊奏萬福自贊謝花兩拜進御茶牀贊就坐
第一蓋畢宣示贊逐次宣勸各兩拜至角抵官入舍人
通旗鼓節級等兩拜宴畢舉御茶牀引宰臣已下指揮
降階橫行五拜分出次教坊謝祇應謝恩各兩拜殿上
入內省官喝賜茶酒先教坊次知閣門官已下內侍都
知已下帶御器械官主管鍾鼓院官在內監臨祇應武
功大夫已下樞密院諸房逐房副承旨逐位酒食使臣
等聞班次排立行門禁衛諸班親從托食天武東西班
諸應奉人等謝茶酒逐班各班謝花訖殿上知閣門官
側奏無事側奏不謝茶酒知閣門皇帝起鳴鞭詔依

十三日閣門言將來聖節大宴射殿權作集英殿權作
需雲殿讀奏目閣門官已下內侍都知已下管軍臣僚

起居訖許由舊講筵殿遇宴殿并閭門官應奉官遇有職事許於御屏風後往來詔依

十六日閭門言勘會除己省記筵宴大禮回鑾對御等臣僚合賜花數外今有未該載合賜花臣僚等再行省記下項一集英紫宸殿并對御賜酒食并使人在庭集英殿紫宸殿宴左右司諫正言合賜花數欲比擬殿中侍御史賜花一對御三省都錄事樞密院諸房逐房副承旨帶己未陞朝官并大花六朵未有官都錄事已下至權書今史并合戴花人及樞密院逐房副承旨已下至權書今史并合戴花人并通草宴大花四朵詔依同日內侍省言本省奉聖旨大宴等賜花內侍帶御器械官依幹辦御藥院宮花數給賜

十九日閏門言將來上壽并大宴為暑熱令儀鸞司將後殿青涼傘一十柄隨日色作一行排設及三省密院滿散尚吉省御筵為暑熱臣僚並特許使扇詔依二十三日詔鈞容直充教坊上殿獨應看奉蓋人等依舊例許帶宴花四朵